



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

13 օգոստոսի 2026 թվականի N 1195-Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2025 ԹՎԱԿԱՆԻ  
ԴԵԿՏԵՄԲԵՐԻ 25-Ի N 1959-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

---

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Հայաստանի Հանրապետության կառավարությունը ո Ր Ո Շ ՈՒ Մ Է.

1. Հայաստանի Հանրապետության կառավարության 2025 թվականի դեկտեմբերի 25-ի «Ղարաբաղից տեղահանված առանձին խմբերի ընտանիքներին կացարանով ապահովման համար վարձակալության վարձավճարի մասնակի հատուցման սոցիալական աջակցության միջոցառումը և տրամադրման կարգը հաստատելու և Հայաստանի Հանրապետության կառավարության 2024 թվականի մայիսի 16-ի N 710-Լ և 2024 թվականի հունիսի 14-ի N 898-Լ որոշումներում լրացումներ կատարելու մասին» N 1959-Լ որոշման (այսուհետ՝ որոշում) մեջ կատարել հետևյալ փոփոխությունները և լրացումները՝

1) որոշման N 1 հավելվածի 1-ին կետում «չեն ցանկացել» բառերը փոխարինել «հրաժարվել են» բառերով, իսկ «ծրագրից» բառից հետո լրացնել «օգտվելու իրավունքից» բառերով.

2) որոշման N 2 հավելվածի 3-րդ կետում «ղիմումի մեջ նշելով» բառերը փոխարինել «ներկայացնելով» բառով.

3) որոշման N 2 հավելվածի 3-րդ կետի 5-րդ ենթակետում «:» կետադրական նշանը փոխարինել «.» կետադրական նշանով.

4) որոշման N 2 հավելվածի 3-րդ կետը լրացնել հետևյալ բովանդակությամբ 6-րդ ենթակետով՝

«6) որոշմամբ հաստատված ծրագրից օգտվելու իրավունքից հրաժարվելու վերաբերյալ հայտարարություն՝ համաձայն ձևի, որը ստորագրվում և կցվում է դիմումին:».

5) որոշման N 2 հավելվածի 5-րդ կետի 8-րդ ենթակետը «տվյալները» բառից հետո լրացնել «և հայտարարությունը» բառերով.

6) որոշման N 2 հավելվածը լրացնել հետևյալ բովանդակությամբ ձևով՝

«Ձև

### ՀԱՅՏԱՐԱՐՈՒԹՅՈՒՆ

ՂԱՐԱԲԱՂԻՑ ՏԵՂԱՀԱՆՎԱԾ ԸՆՏԱՆԻՔՆԵՐԻ ԲՆԱԿԱՐԱՆԱՅԻՆ

ԱՊԱՀՈՎՄԱՆ ՊԵՏԱԿԱՆ ԱԶԱԿՑՈՒԹՅԱՆ ԾՐԱԳՐԻՑ ՕԳՏՎԵԼՈՒ

ԻՐԱՎՈՒՆՔԻՑ ՀՐԱԺԱՐՎԵԼՈՒ ՎԵՐԱԲԵՐՅԱԼ

Հայտնում եմ, որ հրաժարվում եմ ՀՀ կառավարության 2024 թվականի մայիսի 16-ի N 710-Լ որոշմամբ հաստատված Ղարաբաղից տեղահանված ընտանիքների բնակարանային ապահովման պետական աջակցության ծրագրից օգտվելու իրավունքից:

| NN<br>ը/կ | Ազգանունը,<br>անունը,<br>հայրանունը | Ծննդյան<br>օրը, ամիսը,<br>տարեթիվը | Անձը<br>հաստատող<br>փաստաթղթի<br>համարը, սերիան | ՀԾՀ կամ ՀԾՀ<br>չստանալու<br>մասին<br>տեղեկանքի<br>համարը | Համաձայն եմ<br>դիմումում<br>ներառված<br>տվյալների և<br>դրույթների հետ |
|-----------|-------------------------------------|------------------------------------|-------------------------------------------------|----------------------------------------------------------|-----------------------------------------------------------------------|
| 1.        |                                     |                                    |                                                 |                                                          |                                                                       |
| 2.        |                                     |                                    |                                                 |                                                          |                                                                       |
| 3.        |                                     |                                    |                                                 |                                                          |                                                                       |

Դիմող՝ \_\_\_\_\_  
 (ստորագրությունը) (անունը, ազգանունը)

----- 202 թ.»:

2. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
 ՎԱՐՉԱՊԵՏ

Ն. ՓԱՇԻՆՅԱՆ

Երևան